

春
村
集
乾

gift

HARVARD-YENCHING LIBRARY
HARVARD UNIVERSITY
2 DIVINITY AVENUE

PANMUN

NO LONGER IN THE POSSESSION OF

DEC 12 1968

HARVARD-YENCHING LIBRARY

K5568.2/4433.3

詩
書

共
二

天派之流落南嶠者往往多文學之士如松月齋之
簡古龜厓茅山之典重謹嚴皆當世以家數稱者也
蓋其高資卓識不屑爲世俗夸毗之習既無自表見
於世則日取聖賢經傳及先秦古文俯讀仰思矻矻
窮年積於中者旣厚而以時發見於外豈韓子所謂
假於文以自鳴者耶文章之升降關於世道則自鳴
與鳴國家之盛又不須差殊看也之數君子者生晚
未及見以吾耳目所逮則春村李公亦不爲世俗之
文者也公美風儀性重厚慈良善誘掖後進每見五
六十歲儒老輒勉之曰君正好讀書時也志氣斂退



進取之念既消筋力不逮遊賞之思亦倦進取之念
消則無涉獵貪多之病遊賞之思倦則有劄住專精
之益晴牕短檠讀而有疑則思思而有得則讀以是
爲終老活計上可以窺前哲之藩廡下亦不失爲義
理浸灌中人豈非天下至樂乎此實一一經歷過之
語也又嘗言吾友南野朴君資甚高惜不甚讀書夫
以南野公之五十年肘案而猶有劉放父歐九之
恨則公之劬書可知已公嘗屢舉於鄉以不八時樣
每屈南省一生所罹多逆境哭盡懿親爲八耄窮獨
之老凡世間可驚可愕可憂可傷之事一切不以累

吾靈臺惟將六經四子循環熟複尤用力於朱子書
以是其言志諸作冲澹蕭散謝去雕鏤曾無一點葷
血氣文亦渾浩雋永藹然仁義之言蓋未嘗秉筆學
焉如是之文也臨汝齋柳公峇校讐遺集曰公之文
章實從晦菴書中奪胎來其可傳於後無疑儘所謂
知者自知豈可與人入道哉迺者公之孫玄祚齋淨
藁示余求弁卷之述以病昏無文辭又責以事契甚
摯遂告之曰吾嶺古稱多讀書人雖近日長德俱零
安知後世不有子雲堯夫者出而表章遺文乎姑誦
公平日獎勉後學之語爲林下對卷者之勸

上之三十二年壬辰真城李仁行謹書

春村先生文集目錄

卷之一

詩

夢仙閣

輓權翼甫

春帖

依韵酬成希源

沙

輓權江左翁萬三十韵排律

古今吟

次邊上舍綏彥尚綏軸中韵

清和節希源有寄依韵走和

輓柳季深翁

次竹溪倅勝雲樓韵

啜松瀉

霖雨戲題排澗

次老杜秋興詩

昌寧東軒除夕次主倅高順之裕韵

和全都事明兼

先濟贈韵

上元夜踏橋次主倅韵

次金潭菴遺墟碑韵

權陶漁子

正始

同權士安

正宅

權子

剛

正悅

金仲美

弘望

會石泉編訥翁集余適臨罷

始往士安書訥翁聯句韻請老少同次少

年卽金子友

弘輔

琴振甫

庭玉

李

文權

思錫李欽甫

又次古風

輓牛川鄭公

玉

輓高院長

奎瑞

元朝有感

登菴後塔次老杜韻示陶漁文人

東觀行十二章效晦菴紀行詩奉示陶漁子

次老杜秦川雜詩

阿谷道中夜歸行

夜聞鍾詞

訪玉潘諸友歸後有懷

八月十二日生朝在鷺寺望墳塋有感

謾成

登樓

海村雨夜卧病憶柯邱諸友

洪聖由邇來訪臨別吟贈

次贈成春甫惠寅雨中述懷韵

又次贈

挽金季咸道東

潛居有感和老杜七歌

重陽日次老杜九日韻寄洪聖由

沙川徐氏女信至得氣酒海味戲題

夜雨

雨後

嘲春軒翁春甫

盤蔬

文山送別歌

訪李君宅

後三

次成希源

次權僉樞令公

壽席韻

閱墨藏有成希源排律三十四韻依和以呈

哭金德初

挽柳參議觀銘

次黃洵書國亮峰采聚遠樓聯句

哭權小山

內弟朴天休

申慶

訪余約西峯權企仲

茂及

震萬汝警權常伯

正運

往遊驚庵聯句

同天休往西谷途中聯句

次丁上舍孝範協祖喜席韻

自石寺抵韶川同鄭南仲至聯句

敬次藥園外先祖畫像宣覽時韻

楠亭會占韻求和

次李來兼茅亭韻

贈邊正字觀汝得龍

老臺十景

次宗人周瑞

寄題金景堯安樂齋

柳叔亨

通源

新作小堂於二弟家側名曰三

棣有詩傳和余嘉其名而感其樂追步

雙碧堂金僉樞

光緒

慶席韵

輓白山翁鄭南仲

輓李監役

守恒

次贈柳柳洲禮留別

追步柳洲新屋韻

寓交川書堂成子初流自沙河有寄次呈

次成子初書齋韵

瀑布會次成子初

連日有飲一日不飲戲吟示顯叟

次成子初檢巖遺墟韵

撤寓將還請老餞飲口號

庚寅正月感題壁上

又題

砥平族孫_崖還鄉臨別贈懷

往春翁以病中短律贈余余薄冗未酬不數
月遽作古人遂披淚追和展于靈卓下

輓春翁

輓權漢卿

正漢

卷之二
賴朴君善

詩

柳洲翁來訪失晤留詩追到松亭次贈

禪飛花

次金幼安宅源壁上韻

往商山與石塘李士兼萬達同宿聯句

哭權夔如相夔

宿申維降翰周草堂

哭百懶翁金君明瑞東

追步花川夢花閣韻

挽李知事山斗

味懷

挽下枝翁李若天

象辰

哭柳洲翁

追步權西峯新屋韻

成溪西文溪遺亭重修韻

次海翁成清源
潔梅字韻

東邱新居

溪翁李士範

模

在隱峯寓寄長律

次漾瀾五詠

懶廢吟咏久矣漾翁頻頻贈詩求和戲吟

詠櫟樹

移居

漾翁有寄古詩十七韵依步以呈

博奕

天心

詩

又

歌

酒

愛酒

酒害

酒趣

四幸吟

廓落幽愁中追緬先輩風範故友塵影聊賦

古詩十二章蓋亦西社隣笛之感也

荷塘先生

龜厓先生

茅山先生

雪齋先生

訥隱先生

江左翁

陶漁子

毫山

西坡

鶴陰

小山

平菴

輓霞巖翁李景裕

孝甲

輓洪禪龍虎吉

觀海後有吟

二月晦日有感

權思潤示我先考贈其王考無爲齋詩有感

哭五弟震萬

哭稼邱翁歲子初

哭洪聖由

湛一

過

夢

哭權上舍天民年

七十古來稀示兒孫

聘翁金公挽

挽羨窩翁

挽金上舍恩則行源

挽李參奉平仲重光

哭一枝翁金聖瑞宅東

海翁往其子結城之官是古人句以呈

挽海翁

挽權上舍常伯

輓高順之

哭李鼎甫

重國

輓李善長

守元

輓松下翁金聖弼

翼東

三從弟魯源將還吟贈

輓梧山徐尚甫

昌載

哭鄭參奉敬修

惟簡

六月既望龍山翁黃

羽漢

在石寺見邀

夢遇亡弟於逆旅以事愴悵遂吟一絕

輓李大山

象靖

哭朴教官孝有孫慶

哭西峯權企仲

哭權子約菴

次贈趙佐郎仁卿普陽

哭族弟錦澗翁德和植春

輓姜監司德而潤

在鷺庵裴君相說有問討之樂吟贈

癸卯春詞

蕙詩嘆并序

贈基川倅李漢一

契濶

輓朴特平美如趾慶

病餘散步

悼金上舍震甫相東

哭剡溪翁鄭文仲主

漁寧君遺琴韵并序

雨中悄對黃花少婦進酒泛花喜吟

輓魯源

書

與三江鄭氏門中

答朴孝有

答黃國亮

上李判書 益旺

與柳叔文 道源叔遠長源

與李善則 述祖

與朴天休

答成立汝 彦極

卷之三

序

櫟翁自序

金潭巖實記序

芙蓉堂重建詩序

臺亭小集序

世契序

霞巖旣望會序

記

櫟齋記

東邱記

會老臺亭命名記

跋

家譜後跋

王考府君日省齋記後跋

先府君贈無為齋權公業詩篇後跋

五隱翁詩卷後跋

朴遠伯草帖後跋

雜著

侯命說

化日說

幹蠱說戒孫兒

經綸篇

誄

誄權慎初 正述

誄陶漁子

誄成希源

誄徐穉承 宗胤

祭文

祭江左翁文

祭洪輝祖文

祭西水權公 焚文

祭柳季深 瀚文

三春初集卷之五
祭姑叔丁進士謙慎文

祭權平卿正冊文

祭陶漁子文

祭李知事山斗文

祭外舅權公正誼文

祭權孟範正模文

祭宗叔師瀛文

祭宗兄宇春文

祭家仲萬春文

祭家季世春文

哭族姪宗福文

訣亡子宗元文

墓誌銘

處士裴公墓誌銘

遺事

宗大父茅山先生遺事

家狀

曾王考處士府君遺狀

王考處士府君遺狀

祖妣孺人安東權氏遺狀

祖妣孺人豐川任氏遺狀

先府君遺狀

先妣孺人咸陽朴氏遺狀

卷之四

附錄

行狀

挽詞

祭文

春村先生文集目錄終

春村先生文集卷之一

詩

夢仙閣

秋風蕭瑟大江波江上層樓月色多
一氣虛明無夢寐却疑身在水仙家
平沙如雪水如天雲捲長空月色鮮
隔岸漁村知不遠風前人語數聲傳

輓權翼甫

甫

今世吾猶見古人滿腔無物祇天真
知君不是悠悠者墳前滿早多親

江左風流我所欽
謝家諸弟秀凡林
百年擬托金蘭契
世事如何遂古今

春帖

靜對晴窓淡月輝
忽驚春色雪中歸
迎新菜葉來盤送
吹律葭灰玉管飛
天地卽今新雨露
溪山無處不芳菲
潛居近日城愁匝
且迓東皇一解圍

依韵酬成希源

泌

年華冉冉雪中催
窮巷無人訪我來
隔岸嚴風松自籟
滿天寒月鴈流哀
傳盃不復陶潛菊
多病何孤杜甫臺
待得日晴天氣好
願言携手詠而回

輓權江左翁萬三十韵排律

天地竒男子斯文老碩儒
風雲斂手裏河漢濯心郭
邵子空中閣坡翁造化樞
精神朝玉帝和氣襲輿徒
踐履寧違轍文章不盡葫
雪鏤磨斗閃雲帆捲濤驅
一代推爲匠羣方取作鑪
芳菲宜舜藻華義合周瑚
黃甲騰名再青冥縱軔紆
清時非漏俊賢路輒顛鞠
牢落雲天濶沉埋日月逾
竭宮嗟直命虬闕謾猜需
漲殿叨前對明廷契涕都
從容論彖象密通講訂謨
先德絲綸獎皇儀欄幙鋪
龍光映白宙文物燮青區
玉署期鳴珮巖州遂典符
王官不擇燥臣職豈憚劬

民宰封山祛春膏奄海敷歸裝看載鶴遺愛見歌襦
略試平運蘊俄驚臯復呼百年吾黨痛三日海民
光嶽收奇氣騷壇失大樞天時看日剥風雅更誰
小子登門久先人托契殊每將孤露恨偏喜下風趨
已哭棣華賈重悲鳳彩徂法門何荐椽世事卽漚
激濁遺風遠傳孟後責無八哀詩復作宇宙一嗚呼

古今吟

五情好惡古猶今兮四體勞逸古猶今兮世事苦樂
今亦古兮治亂變易今亦古兮以今視古自古今
處今法古今可古今兮

次邊上舍綏彥尚綏軸中韻

牢落腦中氣淋漓酒後談相逢知不數送別若爲堪
自愛千磨釵誰憐九宿蠶莫言亭未就露睡亦云甘
清和節希源有寄依韵走和

春雨溪聲夢裏長覺來開眼碧桃香朱書讀罷悠然
坐多少塵機不八腸
十年雕琢費工多勝敗悠悠等鳥過馮婦下車真可
笑且須從子老山阿

輓柳季深滄

曾讀韓公北極詩沉鱗羈羽會相隨元賓去後公無

友一曲秋雲謾淺悲

敦倫純行出天真端合明時薦席珍公道世間難白
髮邵南終是卽斯人

通家好誼百年期花甲深情老更采萬事如今歸夢
幻不堪天地足悲喜

衰年莫賦送行詩忍賦吾君永別詞明我相思頻入
夢屋樑殘月照顏疑

次竹溪倅勝雲樓韻

風烟積翠木坑頭小白山南第一州每恨名區無勝
狀今看城市起仙樓松陰翳翳侵丹檻竹影微微蘼

碧流更有小塘蓬閣好泛舟何日畫中遊
鳴琴太守雪盈頭寥落三年坐一州時舉簋與旬野
穡日哦松蔭上雲樓溪山喜得騷人賞謠俗爭傳惠
化流谷口受塵吾有願竚看軒駟習池遊
信馬行行霽月頭踏春歸路識荊州初顏促席傾潑
酒半日談詩倚小樓花竹影中看意思鳳凰聲裏賞
風流何嫌曳袖咲門外秋浦曾聞弄月遊

啜松瀉

山谷寒厨數米炊紫陽蔥麥兩相宜何如病渴春陵
叟快啜松瀉不用匙

霖雨戲題排闥

天公造化乃如許分外繁華列眼前
堂下溶溶開鏡沼床頭滴滴奏清絃
庶人屋壁被文繡處士家庭錯錦筵
可笑山翁豪侈甚樵薪又帶粉紅鮮

次老杜秋興詩

積雨初收淨苑林青天白石散森森
金風乍動消殘暑玉露初飛易夕陰
三月沉疴今祛體百年愁思又牽心
夜闌獨伴孤燈影何處丁丁響遠砧
節序推遷暮景斜謾將衰髮惜芳華
回瞻星宿驚流火仰見天河欲泛槎
今日域中調化燭當時城下亂

胡笳百年重值柔兆歲西望中原淚濺花

秋光如洗靜朝暉日日虛堂對翠微山雨欲來天易
暝溪風乍動鳥先飛十年書劔時將晚一部陰符道
已違可笑墻頭桃李樹不知霜近謾青肥

世事更翻一局棋休將得失謾嗟悲長安園苑無常
主王謝歌鍾有歇時寒暑迭遷寧獨久海桑相轉莫
云遲窮通得喪皆前定頗恠韓公送鬼詞

曾隨計吏上南山宮闕參差指點間禁苑春風花萬
樹御溝晴日柳千關雲旗曙色開閭闔銀燭宵光識
聖顏一卧衡門愁白髮幾回秋夢繞清班

白山東畔素溪頭雲物輕明淡似秋洞府幽深堪避
世民風淳樸自無愁新鄰已卜磯邊叟舊約曾畱水
上鷗今歲峽田饒黍稷逝將移去作並州

昌寧東軒除夕次主倅高順之裕

妙歲成名早青冥縱靶賒人嗟鸞止棘我愛麥爲歌
官况看城養年豐驗雪華自歎飛動意衰老付無何
和全都事明無光濟贈韵

殊方驚喜故人來况復新春景物回人事天時如有
會客愁朋意兩相開憐君多病官仍拙歎我朽才鬼
亦猜待得天晴風暖日願言同上望鄉臺

上元夜踏橋次主倅韻

陰雲散盡月華流
夜踏春橋更上樓
為問使君今夕
樂何如跨鶴上揚州

次金潭庵遺墟碑韻

尺五西天超勢叻
南薰寧及北風颺
當年哲識冥鴻
遠百世清標江月
滿終古爭傳靖節
宅至今猶指邵
平臯荒碑屹立秋
潭上想像先生豎
脚牢

權陶漁子

正始

同權士安

正宅

權子

剛正

忱金

仲羨

弘望

會石泉編訥翁集
余適臨罷始往士

安書訥翁聯句韵
請老少同次少年
卽金子友

弘輔琴振甫庭王李文權思錫李欽甫

賸馥存先輩編摩盍朋交慎文與駕漢馬詩壘關唐
郊通證訛辨交豕淘精揀龍蛟交境占煙霞窟棲散
雲松巢剛寸長競自效分陰不暫拋美宣爵間諷什
玩占時看交友齋名思研露山蹊懼塞茅振先躅留
珠密餘生愴髡髻欽石溜浸古井松籟爽虛切文倚
墻踈竹勁印潭新月捎思錫畫案嫌黧墨宵衿怕冷
飈慎襲薰八蘭室喫淡須芻庖通語險石鼎破心壯
玉壺敲安水面寒開鏡林意暖欲苞剛盤天羨快鶻
網壁晒微蛸美吾道坦周砥世情劇秦嶠友爭奈人

異面誰念民同胞

振

置之勿復道聊爾且相嘲欽氣

字須磊落心田

戒確磽

文

攻玉倚他石緘金慎吾龍

思錫

名是芭籬物榮乃水上泡

慎

道審發初軻學期

結晚梢

通

嗟吾意踈濶憎茲口哆嘒

安

內省倘不疚

外証何嫌贅

爾

腦濶吞雲夢器大眇斗筭美浮華等

梔蠟實理當腴

有友

室欲制馬悍孳善趁雞膠振量

學波汪憲笑比河清

包

神遊太古樸身蛻末俗滄

賢愚皆我致暴棄是誰教

思錫

尋盟媿受鉞理韻

錯歌鏡

慎

存身勿龍蟄裂腦震獅哮

通

瑤音琴寫豆

虹光鈿吐鞘

安

忱愚思芹獻味嘉喜蔗咬剛真工易

羽習菲需免首魚美飭躬謹造次研幾辨忽抄友求
友山嚶鳥留羣野啾振幸叨掃塵役却恐失儀收
歛臨危緬嚴戒慕古追狂嘍文願言各努力無俾後
人嗃思錫

又次古風

春山窈而幽春水湛而明開軒頽白沙時見數鳥行
脩脩墻下竹含風蒼玉鳴一室淨如掃寄宿塵慮清
論文夜方靜林端月初生追步文席詩緬懷傷我情
輓牛川鄭公王
盟手貞簡稿勢易見風流宵宵葛懷象達澗空千秋

於何徵典刑有孫賢克肖頽視營營子長帶春風笑
大地寒冬閉一室團和吹舉世能如此庶見雍熙時
天然公輔器夙歲播蘭麝明時薦席珍至尊含笑
迓霜臺正笏立袖彈無顧藉風稜灑百僚尊沓爭抵
礪知臣莫如君獨昭蛾眉婉恩波起平地委蛇銀臺
下魚水契方密睢盱安敢嚇

叨陪紫宸殿世德從容詢遺像八
睿矚欽贊
紀章新嘉乃典刑存行處不掃塵貌小而心大
天褒又諄諄風雲曠世感喬木再生春

海甸一都會自古稱難治氓風集幽薊謠俗爭機利

非重不可鎮非廉或見劓 三曰汝惟諧往蘇吾民
瘠君恩重於山寧顧狺狺誠慨然攬清轡汙吏望風
駭千古冀州使不獨流芳馥

賢祖文章在顯晦關斯道埋沒百年後燉然登繡棗
家傳黼黻篇世誦經綸藁知荷 聖明眷亶由子孫
好哀榮耀今古煌煌涵覆燾

輓高院長

奎瑞

蕭灑清芬白屋寒月翁遺與子孫安傳家詩禮金籙
在逐世襟懷玉雪看少日已知幽行篤晚來逾覺本
心完泊泊薄俗皆修幅貞介如公古亦難

元朝有感

伊昔青春子如今白髮翁悲歡老少異時序古今同
村落煙華暖乾坤淑氣融曉窗悄獨坐姪女拜如弓
登菴後塔次老杜韵示陶漁文人

人生多汨沒百年無歇休羈懷忽不適
齊磴聊舒憂層標出雲端杳杳千劫搜
仰眠星河近頻臨湫壑幽蒼然有罅隙
東洛一線流陰風日颼颼五月疑清秋
迫立宇宙外曠爾將焉求塵寰閑蟻蠓
坐我玉皇州登高目力賒衆景爭滌愁
耐可狂羽腋何必仍丹邱悄悄下仙扉
冥林宿鳥投象教爽如許却忘人世謀

東觀行十二章效晦庵紀行詩奉示陶漁子

僑居寄僧廬淹畱春已夏祇園景物好老子喜閒暇
結友中臺宿扶藜勤相近酬盡平生願茲遊天所借

結友尋山

披榛得細路登登石益奇跨巖架板屋眼界南溟窺
琴鄭何代人設此勤捨施不悟象教幻迷心良可喜

琴鄭庵

陟巘眩反顧屢憇到小广道釋去不返寂寂松扃掩
石底幽泉涓庭畔閑花萼劇論庵中趣歸來情未厭
道庵

衮衮躋復躋文山何爾巖曾謂太白高平看如覆鉢
盤礴坐絕頂八表無遮遏乃知極辛苦方有儒快活

文殊絕頂

穿林度石澗幽泉清我心剗木細引槽迢遞落雲岑
淙淙近戶鳴日夕響琤琳愛此天機動掇源香難尋

響泉

老檜千尋秀鬱鬱凌寒姿山中歲月深屈曲蒼虬縲
匠石不敢斲誰薦明堂支盤桓發孤吟聊以托晚期

老檜

斜陽掛石峯層雲羃林樾西庵暮磬聞曠然幽情發

披衣步前除山椒孤月出憐靜夜不眠湛湛心虛一

山夕

山中氣候異五月始聞鶯清晨載好音睨睨天機鳴
幽人起尚早側耳偏有情梵鍾亦何事蓁蓁奏前楹

聞鶯

庶纖小雨灑園林忽增華高樓送遠眺郊原麥浪斜
年豐從可占我飢將有涯長吟擊壤歌帝力儘堪夸

雨後登樓

西庵設緣業羣愚走無遮空門鬧鳴鑼叢林亂墜花
靡然怵禍福畢竟歸虛誇莊誦悔翁詩咄咄謾自嗟

緣化

青山雨初霽山鳥相和鳴懷人隔東嶺迢迢生遠情
羈懷誰與晤寂寞抱孤清朗吟伐木篇聊以寫不平

懷人

莫言山居苦山居真可樂朝搴九節杖夕採三秀藥
藥以療吾飢杖以扶吾脚悠悠聊自適侃仰天地廓

山居

次老杜秦川雜詩

轉客溪山裏仍成物外遊園林如有待花鳥更無愁
時序方三夏風光似九秋逍遙聊自適隨意且淹留

羅代千年寺天龍護法宮重來高塔秀依舊古臺空
花發臨溪樹鐘鳴度殿風夜清無客夢孤月又山東
倚杖看歸鳥披衣步晚沙羈棲雖作客安處卽爲家
掬井瓊醪敵啖薇玉筋斜逝將幽適趣移向俗人誇
梵放鍾聲起西林欲暮時悠悠潑省發殷殷客心悲
喬木吟風靜輕雲釋嶠遙塵機消得盡捨此更何之
髮禿何憂白筋衰肯復強歌聲元自短舞袖爲誰長
瑤匣吼霜鶚秋風老健驕壯心猶不挫獨立仰穹蒼
客睡難長夜風樓千夢回披襟林氣透歌枕樹聲來
彷彿情人還依稀好面開鍾鳴方起坐山日已西頽

文山傑卓立萬古何亭亭石色界天黑嵐光特地青
無雲怕欲雨不夜可捫星絕景誰傳盡能令賸客醒
未識浮生理誰教萬物繁凋榮非別樹清濁卽同源
俗薄青山好時危白屋尊不須憂世事只合睡蓬門
花飛有底急老去惜春歸詞賦爲無益功名計已違
明農甘我分屏跡遠人譏聞說時魚上携竿上晚磯

阿谷道中夜歸行

夕日已入羣動息煙沙露草迷荒原虎嘯陰壑夜風
烈狐鳴空林峽月昏流螢閃閃疑鬼火老樹曖曖如
山村庵僧出迎把兩炬枝間宿雀驚飛翻

夜聞鍾詞

鷲山岵岵重復重中有古刹藏雲松閣梨誦經夜不
寐曉起禮佛仍鳴鍾隨風度壑遠搖曳和雨凝空轉
容春幽人聽之發深省坐看落月低西峯

訪王潛諸友歸後有懷

清泌泠泠淨紅葉冉冉香名園無好友良夜復幽芳
薇蕨千年感溪山八月涼別來今幾日回首意空長

八月十二日生朝在鷲寺望墳塋有感

南山烈烈墓門寒霜露淒淒宿草殘山寺又逢劬勞
日昊天靡及涕洟瀾

謾成

讀書當日不徒然萬事如今雪滿顛已識名途無坦
地直將餘日任皇天佳山好水誰爭所明月清風不
費錢隨處以安隨分樂世間榮辱任浮緣

登樓

山涵秋色勝花時晴日禪樓眺賞宜萬壑霜深紅爛
漫千巖苔老碧參差登高刺得騷人興望遠偏多志
士悲大地風煙領略盡世間螻蟻揔堪嘻

海村雨夜卧病憶柯邱諸友

雨色迷村樹寒聲透客襟羈棲浮世跡蕭瑟暮年心

病爲離家絆慵仍習靜深故人相住近能復問幽沉
洪聖由邇來訪臨別吟贈

窮巷無人夜色沉感君扶老漳濱尋悽然客裏篝燈
話恍似菴前賞菊吟時晚共悲餘短髮歲寒相對只
深心畱將脉脉臨分意更願同登鷺嶺陰

烟樹淒迷別意催送君今日玉泉回君歸爲報寒階
菊歲暮乾坤霜雪來

次贈成春甫

惠寅雨中述懷

秋雨連宵下寒溪近戶鳴朝看葵露重夕望野雲輕
良友勞神逞清詩破睡冥平章餘物色留待一開情

又次贈

爲別經年半論懷到夜分
澄霄懸白月平楚滿黃雲
酒味吾偏得詩情子不羣
向來談詠意對雨又繽紛

輓金季咸

道東

竄伏荒山日君歸夜臺
渡客心自酸楚況復失知音
昔年携手地今日獨上樓
秋山如夢裏涼月自生愁
雲雨多翻覆世情饒誹姍
平生流水曲獨向之子彈
大眼空餘子高義薄秋霄
風流今寥落吾黨日蕭條
我昔罹天殃哭第又哭兒
憐我獨有君此懷向誰披
春日龜城路侵夜訪君歸
開門發大笑握手渡庖飛

賢郎抱奇器脚下前路賒君何厭世遽不見郎戴花
藥藥白首兄號哭青山裂我亦失弟人思之淚成血
何日更笑語冥漠隔層霄都將百年契和淚寄薤歌
潛居有感和老杜七歌

小少自負當世氣書劍奔走風塵裏五陵豪貴不足
夸公相軒車乾笑視光陰不駐時命違鬢髮蕭蕭垂
過耳嗚呼一歌兮歌已悲家人聽之心不怡
先人塋廬不蔽風數頃荒涼青山東年不順成計又
拙世業寥落四壁空兒啼妻怨百憂集天寒歲暮心
忡忡嗚呼二歌兮歌始放里閭爲之色惆悵

有第一化歸泉臺有第一飢走風埃連枝摧折襟不
韡化者孔懷飢者哀當年湛嬉樂未央豈意垂老罹
此哉嗚呼三歌兮歌轉悽鴈聲嘹唳風淒淒

有妹早殞兒失依有妹嫠嫠諸孤癡死者冥漠長惻
惻生者伶嫠增我唏筋衰骨瘦莫相卹滿眼幽淚空
自洒嗚呼四歌兮歌正悠我生胡爲多悲愁

先壠邈在碧山陬嶺路重遮江水幽春秋展省有時
闕奠掃何能情禮修衰年益切霜露感遙望松楸長
咿嚶嗚呼五歌兮歌更咽風樹不靜鳴淅淅

歲色愁暮短景急木葉黃落蛟龍蟄赤狐跳踉黑鳥

咬四山幽晦寒雨集冥凌摯縮不可居谷風何日吹
習習嗚呼六歌兮歌有思哀壑爲我回春姿
磻溪老叟帝子師洛陽才子何所爲功名早晚且莫
說樹立要須青史垂朱門珂馬接塵鷺整頓乾坤知
是誰嗚呼七歌兮歌闕拍美入娟娟秋水隔

重陽日次老杜九日韵寄洪聖由

九日山門意轉哀故人相憶首頻回東籬物色黃花
笑南國寒聲白鴈來千古風流傳落帽百年心事憶
登臺惟思晤語酬佳節敢自登高且進杯

沙川徐氏女信至得氣酒海味戲題

婉婉隔一年耿耿感疇曩西風鴈到稀夢落秋沙上
朝來報好音眷然何所餉紅霞海鱗無淚情貯一盞
書辭對面目字字皆愴恨殷勤慰窮寂遺我洗蔬澡
禪房悄無聊拊臆心忪慌衰顏發太和愁苦都相忘
人間有此味何羨王漦爽芻庖困澹泊幾煩西湖想
杜老戒盤飧晦翁安葱湯而余喜甘適匪役口腹妄
千載北窗下雅趣寄夷曠

夜雨

孤客夜不眠卧聽秋山雨閑愁細如髮一一不可數
雨後

天晴白雲散
撼撼風響起
秋山失舊姿
赤葉滿庭肥
嘲春軒翁春甫

清涼宿所願
遊春甫於仲秋約數伴往遊余
有拘未躡時連日風雨必不恣意搜賞余在
庵中長對雲山絕景脩然自適較春翁之遊
勞逸豈不相懸茲效古人卧遊語以嘲之

我昔遊宣城
來往清涼下
連峯八馬首
石色呈天濤
洩雲互吞吐
層霞遞隱射
羣仙正笏立
鸞鶴翩翩迓
魂飛赤城標
神往玄都榭
行邁苦靡靡
遐舉時不暇
頻頻望黛鬟
一約留雲嬋
浮生墮迷網
世事足悲咤

仙債久未酬。嶽嘲應不貲。春翁是何人。晚好山水者。
秋風理輕屐。逸氣追雲駕。長懷霄漢志。遠矯烟霞社。
孤筇頻碧峭。一葉凌丹澹。真成汗漫遊。堪向塵界詫。
名山落子手。勝賞先我霸。山靈待予久。錯選應有謾。
秋霖故不霽。赤葉風亂打。陰壑氣悽愴。疊嶂路谿研。
衰脚陟巘倦。老眼眺遠怕。囊空羞旅食。到底眉間訝。
韓公昔開雲。茲遊天所借。吾人已定分。勝緣元有雅。
翹首望東天。何日旋勞踝。禪窓卧遊穩。景物紛陶瀉。
閒雲映孱顏。好月來清夜。仰看翠壁立。俯憐紅樹姹。
溪山無定姿。朝暮閱千化。泠泠心境空。髣髴喬松迓。

老木分之二集卷之一
始知几席間亦可風煙飽君遊慎莫誇勞逸懸相差
我行不可遽徐待鳴春鵬

盤蔬

淵明曾醉遠公酒蘇子常啖佛印豬今日諸僧風味
少盤中只有數莖蔬

文山送別歌

余以三月八山九月始出山中物色眷眷繫
心臨行作此上篇是惜別下篇山靈送余意
文山別別爾明朝若爲情我來山中三月時山花始
發山木榮山鳥爲我窻前啼山月爲我樓上明秋風

爾來爲阿誰紅葉滿山白雲山頭好相迎松桂蒼蒼
山氣益清中有玄鶴離羣而孤棲兮夜夜向我鳴又
有泉響澗流日夕奏簫笙山之中兮春與秋目寓耳
得兮誰與爭偃仰自適聊可樂逝將淹此終吾生我
有妻子飢欲死側身西望心怵怵丹崖翠壁豈欲別
奈此人間家累嬰我行不可以己山有靈兮願結重
來盟

文山送送君今日何時見子寓於我亦已久春而載
還秋而遣白首青鬢兩不厭日日相對開好面清風
明月爲子貯薜蘿松桂爲子旋爽籟是我奏靈苗是

我薦中有道人骨青而髓綠兮與子情眷眷又有丹
霞白雲朝暮閒舒卷我於子兮何所怪物色風烟任
自擅耽閒樂靜澹忘歸誰道子有妻子戀無端忽起
故園思莫是與我情相面機心不可以挽好歸去兮
莫被膏火煎

訪李君宅

後三次成希源

斜日江干訪故人數家村落自成隣出門見我欣然
笑帶得雙眉太古真

次權僉樞令公

齒壽席韻

蟠桃花發水亭陽花下仙翁屏彩裳洞洞眉塵累

謝煌煌天秩第綏長風流共賞當時選名德爭推永
世香孤露鯁生偏有感強裁詩律祝康觴

萬目爭看頌伯陽笙歌初動舞萊裳華堂慶溢仁風
轉壽域春回瑞日長映沼龜蓮千歲秀滿園烏橘九
天香名門喜見昭明報難老何人又此觴

閱墨藏有成希源排律三十四韵依和却呈

靜念平生事都從醉夢過狂奔等悍馬到底坐窮魔
學稼心曾耻爲儒志又跼文章揖屈賈事業哂參何
落魄氣猶壯轉頭鬢已皤人情藏險弩世路伏危波
抹掇層霄翻低徊上苑柯託交吾有素責善甬非俄

論鈞照肝火八蘭襲室多交賢視有輯相漏愧無他
且合菜根喫寧求羶饌羅宅仁方得智安分莫嫌訶
欲進足還澁羞看鏡幾摩宜師秉燭曠肯學據鞍頗
秦味須啖咀珠光庶濯廟真工虧可懼急景挽無那
敢望翔千仞壽能列四科啁啾困萬類捍闔騁談四
聖教日陵替時風轉媿嬰羣迷競墮道百怪紛傳訛
胥溺無登岸各充誰飲河衰年謾感古今日又悲歌
迢遞周天暮蒼茫閩岫栽紫囊爭貯馥青玉空埋瑳
弗遇知音侶頻逢妬嫵娥緹心黃豆數捫舌白圭磨
天地多荆棘江湖獨芝荷殘生輸鑽紙晚契托鋤耒

翫濯聊陶性採苗且療病春風布穀耒秋月絡緯梭
寂寞謝輪鞅悠悠事咏哦逍遙邁軸澗偃息義皇窩
身上斷榮辱腦中保太和君看大道蓋爭似釣磯蓑

哭金德初

故人金德初窮而有操人也平生不言人臧
否人有談論分爭輒莞爾微哂粥粥若無知
者其中自介然也余嘗欲學而未能力其歸
竊悼其窮而思其賢作古風四絕以訣

庚午失庚友我哭非哭年哭君賦命薄垂老窮逾纏
雖窮能有執我哭非哭窮哭君太恬拙無人知好衷

窮非士所耻恬是德之基君歸儘無憾我哭復何爲
青山葬故人白首窮年淚坐聽幽鳥鳴增我來友思

挽柳叅議觀銘

昭代經綸器明廷黼黻姿蜚英登桂籍展武漸鴻達
剖竹謳歌日含香獻替時印印文苑望藹藹賓師儀
出八才兼茂行違跡自夷長公同德位諸子繼裘箕
雨露低荆樹麝香滿橘枝法星重照映卿月共叅差
豈弟羣方則風流一世推人稱五福備天嗇百年期
南國方爲仗北臯遽報悲淒涼鵲鷗序愁絕鳳凰詩
適去心何憾云亡痛實采海西無限淚今日又垂垂

次贈黃注書國亮鱗采聚遠樓聯句

携朋選勝集禪樓政喜天時又屬秋古磬寒鍾坐遠
思晚風疎雨洗閑愁珠璣錯落傾心賞色相分畱與
目謀雅有勝緣來法界直教塵跡上瀛洲人生聚散
元無定靜裏逢迎是樂區但把彩雲供逸興莫將青
鏡怨皤頭巖花照眼宜詩料山鳥送音亦友求我亦
羈禽曾失意君辭上苑謾棲幽經綸讓與夔龍輩契
活甘爲麋鹿儔勝地百年成好會浮生今日得閒優
禪工可笑花生卓世事都虛石有浮名字敢期蠅附
驥詞源何幸海添流遺芬剩揖衡山唱往跡偏羞桂

院留未必榮途能挽我何須林下始娛休眼前萬化
隨風燭心上孤觀付塵舟欲和君詩還一笑幾人今
古辨天遊

哭權小山

誰送春聲八薤歌小山丹旄碧山坡平生故人春陵
子哭望東天淚如何

憶昔同輶叢桂館當時最愛爾才英懽娛四十年前
事都付春宵一夢驚

家庭詩禮世爭推况復天才穎脫奇髫歲已能成法
器南州人物未全衰

笑談彌見性情孚湖海堂堂一世儒一見可知非俗
子逢迎誰不下風趨

平地詞源浩不窮縱橫信筆自成工孤觀已透蘭若
上端合尸文館閣中

材宜衮服作龍纓墨綬官衙豈所期露冕猶能名不
朽桐鄉千古口爲碑

蕭灑歸裝載鶴知晚尋初服樂田居石泉風月吟哦
裏榮辱昇沉一並虛

已哭前年海鶴飛不堪今日小山非此邦無復風聲
繼世事悠悠只可啼

內翁朴天休東慶訪余約西峯權企仲芟及震
萬汝警權常伯正運往遊驚庵聯句

幽哉驚山庵漠矣塵世迴通僻占二澗腰高壓萬嶽
頂企雲羃谷口邃巖呀泉眼洞震塔高半天湧檜老
特地挺運關宇資梵呪渡衆駕慈艇休入定禪藤脆
照界佛眼炯休薨飛蛇蛟螭砌累斷珉珉震培婆看
鳳鶴冲灝接溟津休噴幻麤陽秀賞眞吟筇肯通時
節赴清和登尋勞脰脰休救喘時憇陰扶蹶專藉挺
企披翳驚鼉枝覓路分鹿町休境絕客拋倦面慣信
不悻通膜拜見胡禮濁醪當建茗休誰使象教防敢

與儒道並企古寮初宏構新規寂羣訂企罪福恣誑
誘檀樾雜袋鋌休斧鉏都料聽木石鬼傭熒休制作
儘傑麗體勢無短饒通奪目眩瑰偉覓句搜肯綮運
但取酬花鳥何煩較瑜類通盪腦追登嶽燭肚憶聯
鼎通賞巧舌時譖嗤拙齒頻冷休意得從吾知思室
屬爾拯^運地迥塵慮退韻清詩塊醒震闔藝心逾放
咀道顏始顏企莫尋歌徑捷須趨官路通通興爛戲
轉劇禮簡坐無等震攻惡資山石惡著學錦裝休醜
詩戒遠道愛酒懼及酤休毀譽真外至善惡各內訶
休功名鳥過雲心迹默印潭通性偏木須繩膽麤鈎

發輶震嬉戲憶髫髻退謝憐禿顙通襟期遇朝暮談
燕親欬警休雅契追楊淡俠交晒蘭頸通會勝塵顏
腴春釀小桃醕休後期嗟如海歸程莫催羣休冉冉
山日下蓼蓼夕鼓打通明年知誰健解携心類類休
同天休往西谷途中聯句
自出情無極相逢喜若驚別離年再換披寫眼護明
通古意君知我新詩弟媿兄晴郊風日好信馬莫催
程休

次丁上舍孝範協祖喜席韵

聞說龜州設喜筵高門慶祿至如川蓮衫嬉舞翻春

日鶴髮飄垂映暮年鄉里得憐何足貴聲名繼世此
爲賢老夫別有殷勤意契誼深深自爾先

自石寺抵韶川同鄭南仲至聯句

祇園嗟失面茅屋喜停鞍天借千峯雨人同一席懽
南開襟吐妙緒墮幘寫憂端階竹迎風淨池荷上露
溥通主人憐杜韻坐客笑馮彈自是幽情適何嫌野
味寒南留連文字飲拋謝世味酸語細心中倒詩圓
帳下看通頭垂君未白顏對我凋丹老去追隨好閒
來意抱寬南浮生多滾汨今日各平安後會知誰健
霞翁理釣竿通

敬次藥園外先祖畫像 宣覽時韵

勲業當時冠薦紳故家今見典刑人風雲再契千年
感圖像重瞻七分真遺澤承傳孫此祖異恩稠疊事
如晨熙朝盛際爭瞻聳一體沾臣會精神

楠亭會占韵求和

老去心懷強自寬招邀不計歲年艱親朋滿座揩青
眼時物登盤鮮皺顏禮數簡夷真好會飮餽爛熳豈
清歡臨分更結重來約笑指黃花白露漙

次李來蕪茅亭韵

閒人卜等傍高岑岑下幽居護碧林白髮偏欺霜世

志青山不負讀書心
多君樂有田園趣
媿我酬無玉
雪音何日得尋芳草逕
共聽幽鳥近牀吟

贈邊正字觀汝得龍

功成非早亦非衰
四十居然強仕時
霄漢得伸當日志
泉臺不負二人期
榮名赫赫光先業
天道昭昭福善基
險路前程須可戒
山南終古本無歧

老臺十景

晨起虛堂縱目時
濕雲千疊鎖岑眉
須臾捲去青山出
立立羣峯面面奇
茅山宿雲

三月春江細雨霏
菖蒲茁渚鱖魚肥
却將殷鼎調羹

春木之集卷之一
手閑把漁竿下晚磯

春溪釣魚

霜壁蒸霞映夕陽一張紅錦畫圖光
平章箇裏無窮趣何謝三春百和香

文殊丹霞

冷店孤烟薄暮起羃林和雨度江飛
喧喧厨語終宵聽知是人從遠市歸

酒店炊煙

滿空寒靄起秋山極目平蕪莽蒼間
傍崖鳬雛方恰恰羣鴉何事覓林還

江郊暮雨

稻黍千畦一望平黃雲四合紫煙清
年豐可占天垂慶朋酒何時頌

聖明

廣野秋色

平地遙看九仞巔嶙峋累積不知年
桑田海水今如

許三古遺蹤尚宛然

丹坪羅磧

淡掃明湖玉鏡開
澄光一道映空回
渾疑兩腋風中舉
直上天津泛棹來

月夜湖光

中宵風雨灑牕聲
聲入江流徹曉鳴
著我此間詩定妙
水禽相喚又關情

夜雨灘聲

西隣學子結茅廬
分我青山一半居
漸媿此生同醉夢
衰年方欲了殘書

西林書社

次宗人周瑞

江上春光靜渺然
岸花溪柳揔堪憐
主人趣足詩方富
客子愁多夢不圓
識面修宗非一日
論文敘睦自

今年此邦亦是并州地何用思家理去艤

寄題金景堯安樂齋

茅屋荒江上孤村八九家路分樵逕八軒對釣磯斜
野濶烟光薄牕明水氣多故人樓得地遊子意如何
幾處樓臺漢水濱可憐金碧已成塵來看矮屋風烟
好更喜主人志尚真偃息隨天無外慕笑談移日會
情親平生結習江湖趣回首雲山一悵神

柳叔亨

通源

新作小堂於二弟家側名曰三棣

有詩傳和余嘉其名而感其樂進步以贈

遠揖堂名好因心則占區湛和聯韡萼陶寫頽清流

刺得彞中趣何煩物外求只應天賜履此樂更誰猶
新齋愜晚契喜接惠連區隱几青山靜開軒活水流
幽情花共發樂意鳥相求老子還多感寔悲命不猶
仰止高山枕澗園惇倫純行典刑存肯堂又與遺亭
近梧竹春陰長幾孫

幽人從古愛丘園為是丘園至樂存至樂如君真可
樂紫荊花下戲兒孫

雙碧堂金僉樞

光鉉慶席韻

東天壽域映弧辰樞秩嘉筵樂只賓仁慶重瞻瓊筭
屋良宵無得月華旻絃歌徹碧松鳴撥彩舞翻黃菊

卷之三
二
拖紳攀和珍篇追善禱百年愁抱頓能伸

挽白山翁

蕭然神骨皎然心塵世麼塵不著襟塵世斯人那復
見不堪垂老失知音

先人契誼及見之髫歲承傳白髮垂浮世幾看風雨
變此心終始鬼神知

牛翁風範大家宜君在猶能一線持西出茗溪無好
緒烏啼花暖不勝悲

挽李監役

守恒

道德溪山日月懸百年基業子孫賢春生淨几雲籤

裏畫水斑衣雨露邊華秩自天寧邂逅真工實地更
耽專如何孝子西征日游岱颺輪去遽然

次贈柳柳洲澧留別韻

離別相思卽匪今雪中來訪故人心驚看短髮垂衰
領喜聽高談間雅音交道自慚非管鮑詩情已許似
何陰那堪一宿分携後寂寂蓬門但噪禽

聚散無常自古今風塵何幸得知音論襟政喜良宵
永分手還驚急景陰千古難平多少感一生虛費短
長吟江湖未散衝星氣何日聞天九臯禽

追步柳洲新屋韻

永石曾聞記八愚何如坡老便忘吾行藏已卜隨陽
鳥好惡須看逐臭夫四海聲名追北地百年麤糲負
南圖相關樂意知何在楊柳風來月又梧

生於天地復何營草屋蕭蕭取適成簾外江山粧點
好卷中賢聖問酬明蔬筠淨淨自春色鷗鷺悠悠非
世情正喜相尋發孤笑何須更和不平鳴

舊屋重修續舊營新詩爭和賀新成晴牕映竹秋雲
澹疎壁翻江夕照明不有困窮那得此祇緣清適便
陶情玉淵臺下滄浪水流作商聲日夜鳴

翠壁清江玉鏡如松蘿相映竹籬疎宅成謝眺青山

後門掩陶潛碧柳初心事祇憑波上鳥生涯都付腹
中書從今悔吝知何有一片浮雲過太虛

搖落江湖意自如風流不逐世情疎青山幽鳥和鳴
裏黃菊東籬物色初携酒欲謀良夜醉賞心無負故
人書悠然漸覺塵機盡飽喜飢噉一併虛

柳洲消息近何如歲暮詩情未應疎臘盡郊原梅放
後春回江國鴈飛初輸將山水琴中思揮霍烟雲紙
上書莫笑貧家徒壁立錦囊珠玉不曾虛

寓交川書堂成子初沆自沙洞有寄次呈

頻把瓊琚問白頭羈懷無與別懷收掛川飛瀑愁邊

響出岫閑雲望裏浮
末路人情看薄紙
百年身世任虛舟
知君已剩臨池興
何羨隨緣漫浪遊

君惟踈髮我童頭
少日風流太半收
塵外江山成碧瘡
眼中軒冕視雲浮
詩憐李白香爐瀑
夢入蘇仙赤壁舟
未擬文章看氣像
且容盃酒得追遊

休道僑居似野僧
詩成爲社酒爲朋
清樽白髮心相契
滴筆朱華興轉凝
對月時聞長笛弄
尋山聊理短筇登
閒中樂事真堪詫
天餉騷翁一格增

次成子初書齋韵

窈窕西柯谷
藏修闢小堂
驂騑期騁遠
鸞鵠習飛長

君子儒爲訓彛倫學有方會看游藝地崇業日輝光
鄉塾昔聞制家山今有堂學喪傳業久操縵理絃長
麗澤看朋樂純淑見義方墨池多寶樹門戶叢雲光
丈夫不草草志業自堂堂落落賢途遠邈邈邇綬長
青春虛自棄白首愧無方珍重髦言贈要須惜寸光

瀑布會次成子初

歷盡藤蘿境轉幽携朋選勝辨清遊山回翠壁窮林
迴水掛銀河一派流取趣風煙聊永夕陶情盃酒不
須籌題詩且莫留溪石只怕同歸洗惡傳
連日有飲一日不飲戲吟示顯叟

無限情人送絲青西來無日不沉冥今朝不遇高陽
侶愁聽提壺笑獨醒

次成子初榆巖遺墟

冽泉餘舊響春草淚書生耿耿登山節悠悠採菊情
菁茅何處貢天日一隅明緬仰高風遠因之念彼京
撤寓將還諸老餞飲口號

園林新霽景分明青眼聊因美酒橫四月清和芳草
節百年今日故人情浮生聚散元無定永夕壺觴且
盡傾隨處幾成真率會不堪離別遽東征

庚寅正月感題壁上

孤生易爲感失意數所宜索莫竟何事低徊祇自喜

又題

齒危食無味脚脆行不任咄此可奈何不必傷我心
彭聃安在哉周孔亦已沉聖壽同一場天地無古今
但願得美酒朋友常共斟

砥平族孫_塵還鄉臨別贈懷

七十衰翁朝暮年臨分懷緒倍悽然悽然欲語還無
語嶺路崎嶇意更牽

分手迢迢出道周此心誰與話端由心知此別挽無
奈其奈無人與我留

往春翁以病中短律贈余余薄沉未酬不數月
翁遽作古人悲夫遂投淚而追和使展于靈卓
蕭瑟秋風起悽然感死生暮天瞻鴈思高樹聽蟬情
黯黯端容遠依依獨見爭絃已斷誰與樂餘齡
旅牕荒雨夜沉沉秋士寒燈一片心銀渚佳人空悵
望世間誰知濕苓吟

輓春翁

人言寸鐵勝車兵我識夫君百鍊精
需世剩能經錯節可憐埋沒等虛生
萬事蓋棺方始定百年欬劇太無端
由來人世多如

此試取仙臺帝籍看

萬物收藏歸化本故人適去乘其機老吾亦是化中
物不久隨君何足啼

輓權漢卿正漢

謂君宜得做何意至於斯嫺藝終虛棄醇姿遽永萎
難忘惻惻語可惜恂原儀鄉里日蕭索追思老淚而
謂君宜有命胡乃極于天已哭踈荆萼重悲吟瑟絃
百年嗟味半萬事祇堪憐明爽孩兒在行看後慶延
輓朴君善

最愛平生氣味真誰教風彩化埃塵文堂酒社重遊

處無復談詩對好人

桑麻掩翳足生涯好是田園野趣多今日主人何處去
繞籬秋色自黃花

通家舊誼百年期花甲深情老更采生元世間真孟浪
悟人先我已能知

君於百祿一無虧偕老嬉嬉有子宜滿眼兒孫皆可意
人間至樂孰如斯

昭昭天道待君知奇命如吾祗可喜哭拊諸孤還拭淚
慰言妹氏不須悲

春村先生文集卷之一

春村先生文集卷之二

詩

柳洲翁來訪失晤留詩追到松亭次贈

茆簷柴落數椽廬只麼悠悠度歲餘
世事都捐偏愛酒天機漸熟已拋書
庭前菊蘂金英燦門外溪流玉鏡虛
多病獨愁常閒寂故人今見意何如

禪飛花

萬木霜紅映寺門數叢何事獨青根
板詩畱得陶翁重何啻均霑雨露恩

次金幼安

宅源

壁上韻

悠悠世事雪盈頭，遺蹟追攀某水丘。
隱几碧收平野色，捲簾紅入滿山秋。
櫺間珠唾驚新句，壺裏風光憶舊遊。
寥落不堪多少感，羨君閒卧橘園幽。

往商山與石塘李士無萬達同宿聯句

鳩杖聯翩四老同，通清秋高會一樓中。
兼黃花笑對前緣在，通白酒崇斟故意通。
兼適爾逢迎誰是主，通自多光景正須公。
兼明朝匹馬花山路，兼回首西天思不窮。
通

哭權夔如相夔

一罷溪堂泛菊卮，嶺雲江月惱相思。
如何匹馬重尋

日却是颺輪遠舉時心賞已憑詩句得風流惟逐笑
談知斜陽忍過清臺路往事依依草樹悲

宿申維降

翰周

草堂

江上秋風倦客行重尋徑路渭陽情溪山古宅餘文
藻梧竹清陰想典刑已判衰慵經歲別不妨談笑到
參橫天明欲向花山路愁外晴嵐一抹青

哭百懶翁金君明

瑞東

垂老氣不除埋沒志何試寂寞龜山陽朔雲凝寒隧
良遊永已休草草人間事平生許相知坦露無藏閔
將迎輒解頤睽離則竚眙鍛羽及窮鱗錯莫天所躋

春林先生文集卷之一
收我九逝魂慰子雙瑤墜曠懷胡乃然漬淚形日頽
空谷候虫秋是音驚罷睡誰言一宵分遽作千秋寐
忽忽焉所之哭君誠自喟

退步花川夢花閣韻

上元夫人夢覲花滄海之湄此移家島藻鎮長映寶
樹葩葉綺離爛蒸霞不數荊州木奴利恍疑玄都桃
影斜風謠爭頌種德報剡與王槐爭耀誇

輓李知事

山斗

松柏之操金玉姿山南宿德海東耆清臺草沒靈光
峙洛社秋高嶽色竒身逸雲林名位顯神傳壽閣

聖恩采平生繩準今焉仰釋褐初心不自欺

詠懷

少小尚竒偉逸氣凌漢霄玄訓服姬孔密契期姒姚
歲月擲人去白髮已蕭蕭筋力老驥倦志意秋葉凋
悠悠五十年無權只有勦脑中日熬火萬事無一饒
哀哉牧犢子幽怨雉飛謠吾生差有異家室得自憊
妻能憂寒御婦解需腸澆有女猶勝無出八侯門邀
三百六十日開口非一朝隨遇且可娛何勞分外微
古來賢達士在慼顏無焦枯榮一聽天其樂常陶陶
緬言結心期聊復謝塵囂

輓下枝翁李若天

象辰

古道既遼濶時風日澆漓夫君獨葆真庸處見其規
行自彛則著文從菽味滋韜中而自珍粥粥若無知
吾宗有正法千里爭毫釐獨見誰能原恐有尚論疑
許襟貯淡水攀叢叢見孤蠶纔和停雲篇旋題歸露詞
龍蛇運何厄惻惻長有思

哭柳洲翁

天地有洪造日月無偏照莫須時命悼且悼浮生了
啾啾短長吟歌哭襍以笑一別千秋古長夜何時曉
吁嗟廣陵散永絕無人紹

松亭文酒話石寺江山詩當時無限樂今日不盡悲
高山流水曲千古誰人知逝者長已矣此生良可喜
置之勿復道理也奈何爲

追步權西峯新屋韵

新居爰得所屋就又詩成二水襟爲局羣山拱作城
地平風遠至天濶月高擎晚趣於焉足棲遲養性靈
成溪西文溪遺亭重修韵

荒壁潺湲淨數椽碩人當日所盤旋玉冰清德無今
古花木昭光映後前天長勝居空有語鶴歸虛郭不
知年賢孫肯構餘文藻塵影追拚思惘然

次海翁成清源
爰梅字韻

坐驚流序雪中催憶友餘懷又憶梅已喜臞容頻入
夢更憐疎幹欲生苔何當乞取橫斜影移向疎簷爛
熳裁自笑花荒消未得紛紛他事久心灰

東邱新居

新開東邱一草廬東邱樂事問何如雖非水抱山環
局却是冬溫夏冷墟宅近田園便舉趾地臨溪澗好
觀魚西隣道里無相遠日夕親朋會不虛

溪翁李士範

模

在隱峯寓寄長律走次

少年分手易前期抵老那堪一會遲病裏幾嗟雲樹

隔愁中又見斗躔移
支頤倦酌黃壚酒
罷睡驚攀白
雪詞共上西菴
曾有約不須惆悵
獨躑躑

次羨窩五詠

朝暮行雲鎖碧峯
何心藏我玉芙蓉
須臾雲去芙蓉
出依舊亭亭淨植容
甲峯歸雲

三月平郊綠草齊
樹陰黃鳥百般啼
莫言花落芳春
暮春暮還宜詠以携
春郊綠陰

楊柳依依草色青
草堂閒卧午眠醒
數聲葦笛來何
自和在牛邊煙雨汀
牧場草笛

春晚茅堂好趣多
堂前垂柳碧恁恁
無端落絮紛紛

起散八花園亂白蛾

柳堤飛絮

雨後山光十分鮮
晚來相對靜心天
生憎薄暮炊烟起
一抹攢遮翠黛妍

晴窗暮煙

懶廢吟咏久矣
羨翁頻頻贈詩求和
戲吟以贈
向來雕琢費愁吟
過耳真同鳥獸音
口業未消慚宿昔
聲塵欲淨悟來今
由基穿葉非能射
元亮無絃是識琴
每和君詩還自笑
下車馮婦亦何心

詠櫟樹

木而無所用
木中之散材
人而無所成人
中之庸才
無成與無用作耦
天所媒相對草堂前
日夕幽懷開

哀哉牛山木美矣乃其裁

移居

移居非樂焉寔焉憂所驅衷戚數十年漂泊無定區
遂棄終古居三遷冀闔閭開荒東邱中墟垌頗洵訏
草屋八九間偃息聊以愉松柳蔭後阜荆櫟羅堂隅
新舍既就治礫園䟽壤膚桑麻豈日長葵藿亦不敷
八室交遍適把犁我僕痛何能動我心我自視庸庸
隣曲好相隨田園且不迂及時務閒業取適携烝畝
野外少塵雜卧起玩書圖千歲不可知卽事多所娛
富貴既我違貧賤焉往無隨分以安居確土卽沃腴

卷之二
六
二
羨翁寄古詩十七韵依步以呈

古遠既遼濶末路轉危巖嬉怡面徒輸悃悞腹誰按
一源周親誼百世寧改移論交雖澹泊傾腑共慷慨
久別恒煩絃既親卽懽夷前修有話言敦族福之基
聲譽子夙著知識我偏虧羈貫載同業歲月如波馳
幽沉抵老死俛默相嗟悲金丹消息遠緬懷煌煌芝
尚友千載人黃卷托心知坊冗擾靈府對討眇良時
會事山堂寓言笑且酬區盍簪嗟不淹睽跡恨靡隨
天地彌沴氛搔首念衰頽清詩結情曲三復增我思
攀和詠在昔投報金玉貽

博奕

性不喜小數每疑宣聖訓及此閱世久乃知斯言蘊
情遊無所事聚首好譏議或言人長短不則國政事
非徒害心性我必違夫已惟此博奕者相逢卽對枰
嗒然無一語但聞爭道聲雖非士所業亦足免譏訾
豈不猶賢已甚言無所爲亦有不顧養鄒賢垂警規

天心

盲風連日吹陂麥且盡枯徘徊壠畝間愁歎問田夫
愁雨旣知此哀哉生民何由夫向我言天心仁愛多
無麥則無人不久甘霖下中宵側耳聽簷雷聲乍瀉

春木先生文集卷之二
朝起眺原野勃然青苗興岷言果不虛庶占年事登
旻天幽且默蚩蚩尚有知靜思玄訓在聊可奉天時
長吟采農談作以吾心規

詩

言志聖所訓典樂肇於斯冲淡乃其真性情從可知
詩體有三變風雅漸墜夷律法疇權輿雕琢費吟哦
正聲何微茫葦血彌滯波中間數魏晉誰臻思無邪
蕭散五柳翁寄傲東籬葩高風絕塵想古音超繁清
雲谷透此關千載托神交竊自從先進緬焉徒嚶嚶

又

士大夫於詩不可一日無言語頗無味面貌亦不腴
古來賢達士無不愛吟詠惟爲性情陶寧事花鳥競
試觀富貴客誰道冲澹詞詩非使人窮窮則工於詩
悠然卧風楹神還黃虞際於焉咏一闋亦足醒夢嘆

哥

言永聲依永聖神所已道繁艷蕩人志和雅諧玄造
融融猗蘭操澹澹漁父辭非徒鬯真趣亦以宣湮思
清夜草堂上一曲含哺哥山前荷蕢過聽之謂我何

酒

神禹疏儀狄已知酒之禍胡不去麴蘖千載啓迷塗

馨香衍烈祖和樂偕百禮天地所宜有衣食同一體
可節不可無聖意從可揣三爵既立史百拜且有執
無量不及亂杏壇春風煦誰能飲孔嘉庶免出童叟

愛酒

少無適俗韵晚有愛酒癖愛酒非取醉取趣以爲適
草木有榮枯人生亦如斯吾生願有異枝葉先秋萎
孤根枕槎枒風雨紛萃之冉冉星紀流廓落空有思
若復不健倒何以碑磊除但恐多謬誤惟願醒者恕
酒害

恬者變爲夸拙者自爾濶強者怒號呶弱者語瑣屑

自好者矜持亦不免動心窮達與憂樂值此疇無滯
縱有甚不甚都是失其真飲酒而德將乃是孔嘉人
惟彼不飲者耻醉亦堪嘖

酒趣

心意忽不適望遠空幽怗呼酒進數觥清興自滔滔
獨對東山月欲言無余和携盃勸孤影陶然歌枕卧
神遊舊懷際夢八華胥鄉誰能識此味憂樂都相忘
千載安樂翁寄趣太和觴亦有雲谷叟朗吟祝融岡

四幸吟

天生萬物為人幸人有男女丈夫幸丈夫責大文術

幸三幸既無有一命胡不幸雖然不幸中有幸樂天
安分身無辱乃是真箇幸

廓落幽愁中追緬先輩風範故友塵影聊賦古
詩十二章蓋亦西社鄰笛之感也

荷塘先生

朱華擢清池馨香君子風寒江秋月照絳霄祥雲瓏
文淵道範懿大雅流風風金聲而玉色厥施垂無窮

龜厓先生

身全四時和心涵千古秘靖默山立重純熟菽味遠
龍卧洛水波花外團風吹憑化收真氣餘霏龜岑翠

茅山先生

茅嶽抻青空卓截誰攀援神遊葛懷際夢到洙泗源
韶光八竒懷逸韻層霄翻清飈灑百世仰止道彌尊

雪齋先生

巖巖泰嶽高混混滄海深秋濤瑞錦章玉風正雅音
龍見或淵在仙掖復平林樑摧將安做蒼竹自悲吟

訥隱先生

渾融元氣會私淑大眼透因文道已悟有德言自富
崇深大家數隱約竒功收丈席久已空緬慕悲窮宙

江左翁

日轉扶桑域波濶洞庭湖宇宙雙眼大風霆逸氣驅
散作百東坡鞭厲一世儒英韻灑不歇復揖空幽吁

陶漁

自是天稟介無之學力資貯中繩墨精敷外辭氣爽
眼泝羣玉府規嚴式穀彛攀風永不讓世道足悲嘆

毫山

青春動詞藻歲幾九苞章鴈塔初騰價龍池轉耀鉉
英才合締繡逸韵超塵袂芳華滿目中疏原父茫茫

西坡

風歲已剋華老大更融圓在鄉稱宿儒需世人刻桎

淳儀鎮浮清話言警饒儼蓋棺事未了永懷徒悁悁
鶴陰

明爽士雲容英妙洛陽才揮毫翰墨場風雨雲霞開
崑山一片玉澄然超塵埃可惜朝華落千古有餘哀

小山

本是瑚璉器受鉗獨立下陶成席珍儒卓犖拘牽謝
芳華播一代燁然名勝霸龍章已永閼誰復躡逸駕
平庵

踈踈瘦鶴姿舉舉蕤鸞儀天然彘章備委蛇陞玉
墀時明命不耦亨遂躋駿騎咄嗟更何爲已矣吾黨

衰

輓霞巖翁李景裕

孝甲

春村翁憶霞巖翁一死一生落景中與我世間腸共
斷送君泉下涕無窮荒溪秋月爲誰白老壁霜楓空
自紅意氣驚人今不見回頭萬事轉燈風

輓洪穉龍

虎吉

山澤齋中覩夜淚遺編盟手濯塵襟清芬更挹金蘭
契舊誼追攀白雪吟一別遽驚歸夢幻萬緣都付卧
岡陰泐然遂有山陽作千古何人又斷琴

觀海後有吟

東觀滄海大歸卧白山幽剩售平生願真成汗漫遊
眼無天下水腦豁域中愁何事孔夫子乘桴獨許由

二月晦日有感

海東天地日先紅萬國同歡壽域中何物不霑均雨
露蹶根枯木亦春風

權思潤示我先考贈無為齋公詩感而敬次

齋心奉玩贈遺篇想像當年托契賢臭味同乎盈缶
水襟期相許聽琴絃馨風不沫期牙友芳躅流傳李
郭仙舊甲重回增感慕新詩追步淚先懸

哭五弟震萬

三君本分之二文集卷之二
清高自好本心全祖範家風爾庶傳兄弟俱亡餘二
老死生相托保殘年如今捨我君先去從此隨君我
亦然一哭歸來幽淚滿天愁雨灑牕前

哭稼丘翁成子初

儀範休休自少年及茲衰暮更融圓端宜厚德敦斯
世寧復庸言媿彼天槐蔭滿庭知耳報家風持藁見
心傳會隨大化同歸盡此路寧須較後先
西柯東塢對柴門束髮追遊到白紛有酒君能頻速
我談詩我亦輒邀君渾忘暮齒期非遠却擬青眸永
不分誰料遽成千古別回頭世事等空雲

頻年同戒伯強憂搬逐西東月幾道愁裏翻成遊賞
晤閒中偏喜簡編搜詩成李白香鑪瀑酒屬蘇仙赤
壁舟萬事如今都濩落獨携殘影意惆惆

哭洪聖由

讀書安素履深卧謝囂塵杜谷先生宅黃虞太古民
家無傳後事天嗇報斯人東望一長慟溜菴物色頻

湛一

湛一氣之本外役氣之欲飲食與嗜好都是外物役
卓彼知德者屬厭不爲累無以小害大孟氏爲我示
過

人非大聖人夫孰能無過過而能改之乃是德之大
子路喜聞過其進庸有既足為百世師濂溪垂稱謂
夢

人於夢寐間可驗學之成學成則心清心清夢亦清
聖人本無夢有夢輒有程周公夢不夢道之行不行

哭權上舍天民

莘

刊落繁文盡清狷獨自持端儀流輩少貞範古家宜
仁壽期頤逼功名命數欺悲歡萬事定追憶淚空垂
七十古來稀示兒孫

七十古來稀吾年今過之聖人不踰矩嗟爾不中規

齒能過聖壽學則違聖爲天既與爾年胡不詔爾軌
非天賦爾殊惟爾自暴棄點檢爾平生能無心愧昨
昔非雖無及今是猶可勗依微秉燭行何如冥途墮
朝聞夕死可先聖垂訓則於焉忘余悔而又辭汝學
勿謂歲月長此日足可惜

聘翁金公輓

豪才逸氣軼凡曹生長名門眼目高世路多巖難正
柄俗情饒詠喜吹毛狂飈撼屋爭擠石明月藏輝永
沒蒿樞秩崇班能自致始知公隨在天褒

輓羨窩翁

童子侍隅往事依春風座下聽談罪法門遺則賢孫
在炳燭追攀末照輝公道世間華髮是挪魔隨處市
樓非光陰八十都虛擲哭望青山且自啼

輓金上舍思則行源

今世何人盡事親事親如子是爲仁愉容藹藹承顏
日憂色藥藥奉饋辰錫類端能扶世教見賢誰不愧
吾身歸魂去托先山側歡待千秋志可伸

輓李叅奉平仲

重光

世舉趨名利君能透此關青山詞一闕空谷浩然還
日月書林老雲霞水閣寒宜編高士傳無愧古人攀

哭一枝翁金聖瑞宅東

江雨銘旌返海林春陵千古杜陵心人間已哭知音
失泉下邦期理斷琴

千里仁山鮮綬遲嶺雲湖樹七年思歸田政喜團圓
晤何事南州又別離

何事南州又別離每憑候使問歸期歸期不報臯音
報烏髮韶顏不可知

烏髮韶顏不可知春寒人老等如斯祇今我亦春寒
光訣淚千行不必垂

漢山搖落歲方悲又報芳蕤謝一枝原始反終知有

地天教之子。死生知。

少小追遊到白髭。文堂隨處莫相離。青巖亭上話心
事。誰料翻為此日悲。

才合鵬搏萬里程。一麾宦廕豈云榮。天於吾黨偏垂
眷。厚與其具薄與成。

風流文雅似君誰。宜作吾鄉後學師。從此吾鄉無長
德。寥寥末路太堪悲。

有子能吟青玉案。乃家裘業早登庠。倘來大闡知容
易。餘慶于門逝永昌。

趨向何人同雅尚。風花無與共平章。出門放杖吾安

適寥落寒齋獨卧床

罪戾偏深一子無感君平日獨憐吾逢迎輒引潏潏
竿知仲餘生寄酒娛

幽明相接杳無因胡乃連宵八夢頻萬事如今皆幻
界空教樑月照顏新

海翁往其子結城之官足古人句以呈

千里湖山五馬歸三牲榮養世間稀清風古宅輝銅
綬遲日高臺映彩衣霄漢恩光低雨露門闌喜氣住
春暉相爚倚伏元如許冤業關心且莫啼

輓海翁

卷之二 集卷之二 一六
天地無窮竟人生有歸期老少同一死常理固如茲
古來賢達士於此不爲悲奈何與君訣自然情悽而
蛩在蛩先蹶不覺涕連沔

輓權上舍常伯 正運

先友無爲子隱約世靡彰淹觀天人際沉吟翰墨場
純深餘訓在嗟君妙歲章謹愿傳家範歲蕤登國庠
與我誼不泛少小許心腸年光逝水駛鬢髮各已蒼
共將孤露感憂樂同商量世界桑田變鄉里誰儕行
相期保榆景還嗟卧濱漳一病五年淹沉沉八膏肓
精神雖內朗語言不外揚余時爲問疾脉脉徒相望

在世情已斷於悵等悼亡豈知斯人也而有此奇殃
終然離營魄修夜何時暘萬事都成幻思之涕盈裳
無人共話舊誰與對吟床斷置勿復道茲惟理之常
身後不寂寞庭下鸞鵲翔棘人顏色慙使予增悲傷
天道固如此天乎余獨創數掬西門淚迢迢送北邙
情在強詩句我年亦何長

輓高順之

金玉精神幹世資弱冠已荷聖明知心恬得失無強
禦跡一行違有執規鶚立清朝遺直輒鸞棲下邑古
循治維南運氣今蕭瑟天樞斯人豈適而

此翁於世百無宜不路知音更有誰尊府許交方盛
歲賢郎追訪已多時雲泥迥隔逢迎濶桑海推遷感
慨深蓋代英風何處賞春婆一夢不勝悲

哭李鼎甫 重國

老來多涕淚情在強詩篇戚誼無鄰好携遊抵暮年
話言微不忤庸行見無懷眉睫猶留眼風儀已九泉

輓李善長 守元

溫溫風味古家宜藹藹天彝百祿基滿室團和青玉
富近江間契白鷗知清涼世界亨鮒壽安樂富中慶
泥蟻乘化去來何所憾舊夢凋盡獨堪悲

輓松下翁金聖弼

翼東

自從枝翁逝衰把日無憊素心人誰在嗟君顏色韶
樂與葆榆景開口莫相遙邂逅一疾淹榮衛日自凋
遽爾隨物化千年不復朝

永懷洵貯美藹藹文雅嫻我幾消吝鄙人稱子國顏
餐真衡茅下重邀太古還天然君子操吾儕誰其班
忍將蘭玉質今日藏西山

奄奄吾猶在鼎鼎子胡然死生元如此浮生一夢過
身歿名不滅多應永世傳孰謂斯人也終題處士旃
置之勿復道奈此秋雲篇

三從弟魯源將還吟贈

兄弟俱亡爾獨存吾年况復抵老昏從今會合無多
日分手那堪暗斷魂

舊甲重回把盞年中分古鏡更難圓歸然獨在何須
愴喜見嗣孫克紹先

挽梧山徐尚甫

昌載

無所爲而然乃是爲已學世人好修幅誰能立此的
夫夫有斐質天然君子則早悟本原理尊道交須得
外教若不嚴內著間有章謹獨對明昊處義辨毫芒
觀其素患難可驗學力強硬著鞭辟工哀迷檢東方

三千三百儀經變固無常關閩及我朝諸賢訓昭昭
散在無定秩錯綜難摯要君能會一部編類各有條
別嫌定猶豫繫領疏繫囂庶可扶名教待君聞其幽
閱世我已久罕見斯人儔存心著讀書絕意人知求
行政守先訓明倫貽厥謨安分樂有餘無愧心日休
小阮富資斧寧馨九苞英妙歲升我堂文行期遠程
未秋蘭先萎哀子涕自澎因之願言子夢勞心忤忤
髦老多昏忘從容逝討疑惟恐我不及寧知子短期
晷晷纔隔歲歸泉忽報時世界元如此萬事祇可嘻
淒涼鄭公鄉書帶徒離離後生無考德吾黨實纏悲

誰編高士傳篤行我偏知癘伏違臨砌和淚送訣詞

哭鄭參奉敬修 惟簡

牛翁風範藥翁垂百世清芬爾克持雅德端儀未有
自敦倫絕行見而知銘銜可惜題三字庭茁堪悲殞
一枝鼎鼎年光猶不遠仙遊何事遽催期

及知王考渭陽情三世相傳二祖行老去不堪桑海
感別來頻切夢魂驚方嗟梧谷蘭收腹那意茗溪鶴
秘聲小白以南人有幾傷時幽淚自沾纓

六月既望龍山翁黃羽漢在石寺見邀吟贈

煩襟頓豁爽如秋剝掇聲傳聚遠樓四出縱違安樂

戒三益欲躡祝融遊清風每苦塵間少明月今憐別
男稠收拾鳴巖不盡興與君相對且談酬

夢遇亡弟於逆旅心事愴惘遂吟一絕

逢何倏忽去何忽南漢城頭落照紅覺後始知生死
別枕邊幽淚自無從

輓李大山

象靖

天欲窮吾黨公何棄此時士林安做痛邦國不遺悲
本是生資美無之私淑知溫恭元氣味鞭辟則摸規
道自文章貫學由性命基淡而人不厭簡又文惟藪
世教方偷替真工獨自持履安無外慕輝遠見朋隨

湖下經綸術關中檢束儀隨筵應響異羣飲各充宜
退托常調處提撕上達期法門多雋乂吾道起南維
昭代彞章器春富文塑姿聖宸紆側竚恩旨累宣施
致澤寧非志衰瘵實絆底徊徨不俟駕扶曳却淹達
進退皆循軌俯仰豈有愧盛年曾識範一見卽加祗
居遠逢迎濶神交愛慕采蕤賓客木店邂逅覲禧帷
眉帶山林氣頂垂簪組璫薰蘭積有願傾蓋乍攄思
竊覲精猶朗頻期教不衰擬將文字請畱待職名辭
迂轡苦多梗盍簪愧爾遲忽驚河嶽晦長慟哲人萎
函席虛無仗羣方迪有誰清襟壺月遠和氣谷風移

南老同時逝斯文大運奇廓然焉所托一哭二哀詩

哭朴教官孝有

孫慶

纔哭山翁實嗟君又九泉並生如不偶偕逝亦胡然
天意吾能揣嶠南運已騫寥寥空世界餘韵更誰傳
斧資天賦厚髫歲巨人程泰味詩書禮孩知父子兄
本原元有養外慕自無嬰隱約平生志應慚一命榮
世道日劬勦文章競靡衰夫君眼早揭高處足俱賒
軌範能追古風聲不墜家翩然騎鶴去天地亂滄哇
少日渭陽宅與君同隊嬉先行次第謝遲暮謾相嘻
何意大還促弟昆一時萎西臯又忍說天運苟如斯

哭西峯權企仲

大朴敦醇世更誰中心惟直子能持平生蕭瑟相憐
獨思索精深共討疑道老幾娛連樹契孤吟叵耐斷
絃悲翩翩歸旆題司馬九十光陰一夢嘻

哭權子約舊

西隣哭相聞北里薤歌發二老一時逝此懷疇與說
歷歷平生事思之五情熱顧余連枝樹與公同一身
小少居鄰曲携遊到八旬契濶同悽切相憐幾悲辛
駸駸八尺居情意日綢繆閒暇輒相思有酒樂與酬
文篇共討磨笑談無時休齡頽氣猶腴百年相與期

何言一疾奇三月隔追隨聲嘆語不成肺氣先已衰
心情莫相輸對之徒悶瞽俄予亦沉痾浹旬淹阻親
昏昏中有聞鼻音已在雷嗚呼人世事錯莫乃如斯
孰謂公與我生死不相知先人渭陽情非公更有誰
我年一日長熟知前塵事自從伯公逝眷余公偏至
豈意公又遽使余獨躑躅茲惟理之常不須重嗟吁
嗟哉咸君闕芳年真可惜天知倘和瘦老人將焉托
強作達觀言欲忘不自因幽室永已閉千年不復晨
千年不復晨何處見斯人從今絕儔侶西望涕潸潸

次贈趙佐郎仁卿

譜陽

吾人三樂孰知君伯仲之間久挹芬浮世悲歡真孟
浪暮年詞律太慙慙停雲愁夢頻宵頰空谷足音幾
日聞燕石却慚明月報祇輸心也豈詩云

哭族弟錦澗翁德和

植春

天杯吾宗不慙遺活爺清範更誰追襟懷澹家聲
素騷韵蕭疎古味滋分袂幾勞江渭思斷緣無復鉅
蛩隨年年風雨重陽節西望那堪少一悲

輓姜監司德而潤

令公初志我能眠胡乃明時欲暝棲朝望日懸鴻漸
羽野心天放絮粘泥名關透底方知歇萬事從他遂

不低景服平生茲一著可堪追憶表而題

在鸞庵裴君相說有問討之樂吟贈

爾以我爲一日長陳篇問討幾回勤莫言我解多於
爾疑繁吾還藉爾聞

癸卯春詞

八十春容易過百年壽且如斯平生事有何做點檢
榮空自愧渭川漁夫鷹揚績那能望淇澳君子既耄
戒庶可追新春喜氣滿天地引領西望兮猗蘭殿土
奕業基

蕙詩歎并序

有以異卉數叢證蘭而歸翁者翁列植牕前每春
夏之交嫩葉交翠鶼鶼已鳴則一叢一朵中茁如
釵股者尺許瑩瑩堪把上發五七花而淡紅如齒
菖是其蘭與蕙與翁非博物者未的厥品嘗觀山
谷脩水記曰山林十蕙而一蘭其一幹一花而香
有餘者蘭也一幹五七花而香不足者蕙也於是
始信茲其爲蕙也雖騷云既滋蘭之九畹又樹蕙
之百畝蘭非恒有者而蕙則夥有古人之貴蘭而
賤蕙尚矣然蕙亦清芬之族而君子之所賞也翁
愛而養之者有年癸卯春避沚山菴六月始返閩

蕙平安無一根抽葉但荒草滿階翁循階歎咤脉
脉無聊居數日一莖青朶忽地擢出於殘蕪之中
上結五萼而未吐翁竒愛之朝朝平章計日待舒
一夕花蒂落地而些有瓜痕忙喚小婢拾其蒂傳
之莖端取葛葉緊縛之蒂仍照日不萎莖漸生青
而舒花惟其葉瓣頗不鮮腴然亦足娛玩可異也
噫蕙非凡卉故旣斷而有回蘇之性耶抑感主人
之誠好整粵天葩以解愁悶耶遂嗟惋而言志聊
作蕙譜

幽叢傍階栽謂是朱蘭滋一幹生五葩微馥須不蕤

證之山谷記非蘭則是蕙而亦芬芳族曾爲水仙製
百計遜九畹題品騷經載要之君子傳願言結幽愛
亭亭獨自秀歲晏永以期客居山菴久花塲穢不治
歸來訪蕙君殘蕪無一葉惆悵意不適端居歎離索
懶起循空階忽見抽一朵淨淨映玉筋嫩梢朱英種
主人驚且喜如逢別世友孤根恐風傷架木依倚紐
清晨問平安萼折空榦立呼嗔小簍爲墮蒂忙手拾
緊傳於莖端紉以青青藟聊欲補折芳豈望便回藹
枯榦日生青萎萼仍吐藥誰道刑不續芳魂喜見蘇
爾生何太苦嗟哉頻遭痛待主久不舒旣舒又見闕

先咷後發笑政念翁之惻臭味同孤潔契活共蕭瑟
永矢守天和逝將莫相離耐可忘其異被郎歌心知

贈基川倅李漢一

基川太守最風流清白聲名滿一州踈處雖踈終有
致達時方達自無憂詩成頗得鈿南散意到聊爲習
池遊秋浦王人吾所願忽聞歸去恨悠悠

契濶

門外荆林翠幄成林間禽語笙簧聲貧家契濶還如
許貴里繁華不關情

輓朴持平美如

壯慶

天胡掾我母家偏賢達凋零此歲遘南野法門書帶
外雲山英眇白雲邊諸宗獨倚靈光峙萬事都歸滌
海遷寥落家聲誰復振追思風範淚空漣

青瑣仙班晚致身地分清切躡先塵低徊拙宦緣時
運偃蹇高名軼俗倫江渭十年恒賔夢岱壇千古遽
歸真休應又報隨君去錯莫看天謾愴神

病餘散步

散步柴門外平蕪野馬煩至今猶倦脚應有未歸魂
一病經三月三旬謝一樽閒愁添別料青麥野刀翻

悼金上舍震甫

相東

翩翩丹旄向北里爭道可惜金進士嗟嗟卬友有是
兒是兒何遽至於斯英妙真是大成器發軔伊始中
途躋溫其知玉父與子昔哭卬友今又爾天於爾家
何心世世輕與才重與壽使我心惻惻涕泗瀏

哭剡溪翁鄭文仲圭

天老情還薄都由返自然坐時渾淡淡死後却懸懸
少壯同遊樂蒼茫一夢牽小山英眇遠雪谷恂儀遷
古味從何見嗟君獨大年巖亭時欲向剡塢意尋先
寥落今誰與幽明已各天不須長逝悼祇自久存憐
熙寧君遺琴韵并序

熙寧公子裔孫家有一張琴公子平日之所御也
琴雖良世遠不理者久遺孫基完愴祖業之隕替
感手物之壞弊倩工拂脩能使世人知之豈特傳
家之寶而已哉其不匱之恩可美也不佞以藐然
分派之孫拊玩枯桐不勝曠世之感追賡讚詠之
什敬題于下

疏越清絃不乎埃翩翩公子手中迴池賓肇白嶰桐
制腔闕應從海拒裁玉葉凋零餘寶器冰音摧斷有
幽哀多君追度鳴珂曲傳得家聲永世來
人間能得聽龍音天上傳來控鯉琴零落金枝瘞葉

替歌殘玉柱鳳聲沉分明哀咽絃中語拂拭重回宮
裏音百世同源無限感不敢燃撥謾傷心

雨中悄對黃花少婦進酒泛花戲吟

黃花霜後色逾鮮白髮愁多興不牽少婦摘黃崇白
進優教愁老太狂顛

輓魯源

病中聞君歸我懷焉所薄不久吾亦死何須重憾憾
兄弟吾與爾相依送暮年弟先兄獨後安得不愴然
分居一舍地戀懷怕悽切逢迎喜若狂睽澗心如渴
若憐我之髦我悶君多疾共悲都不久豈意君去過

前冬哭子婦弱懷難成眠君來慰勸我忘字爲上劑
弟已先得此百慮都無滯惟當保殘齡無益空悲悵
從知爾心定竊意長年執大限倘天命酷罰胡偏集
父子及弟兄一旬相隨闕思之腸欲裂莫如體君說
置此勿復道且道送訣詞叔父先府君敦仁滿腔慈
憐我早孤惇撫念若子視行已承家責諄諄誨不已
攻取苟得雋欣然喜不寐餘生並無祿始衰奄棄世
諸孤四哥存詵詵間有藝大根先已蹶弱枝風霜厲
嗟君等礪蚤世事都無心時文不屑爲遂致才名沉
若論天所賦茅翁白眉孫記覽人莫及述作亦飛翻

晚更詩工勤往往一班窺恬拙善下之世人無得知
書法儘精好楷勁老不衰我有文字役幾籍君手爲
家乘與先集匪君何能輯文獻庶不墜來昆知有則
自從家仲逝所賴惟君在今君遽永闕我死亦分內
家髦將一空復生其焉倣昔我與君語相對謾愴怳
君之身後事行路尚吞泣一子爲人後子子無所托
輒弱遺孫孤僇僇嫠婦哭先祠恐不守言念淚浪浪
祖德不須言君仁豈召殃天道實難謐嗚呼門戶替
我亦畸命者垂死逾存矣夏月擊牀盆遺掛釀藩涕
情親盡窮泉哀哀影隻書簾帷君蹟拳拳詩與札

思至次第檢影響靡所及吾家好詞筆何處更復覲
朽言若干篇逝將須君收今焉永已矣何煩他眼求
家季立後事賴天庶不虛君靈倘不昧索喜無間余
日月依辰至幽室今已卜嚴霜十月中送君鵝山麓
四面無親兆孤墳獨岵嶢一閉長夜後千年不復朝
我有窳窳事悲遑日不暇擬欲先期往拊柩結淚瀉
宿疾挾風發七日沉床褥西望說疇曩伏枕空嗚咽
長當不相見不見能豈久泉道倘無異朝暮應把手

書

答三江鄭氏門字

積歲違拜雖在劫禍桮殓之中而有時起慕未嘗不
拊舊增懷也匪意脾惠長牋專人辱賜滿紙辭語披
露悃悃繼之以警教三復以還祇自感慙不已仍伏
審僉執事高年神衛勾享康啻攢慰萬萬泰春平生
蠢愚一未嘗向人作皺眉事及此衰暮世念都休凡
旋士類間論議之場一切衰如况高坪是王考牽連
渭陽之地向慕遺訓兒時慣承至今留耳泰春雖不
肖安敢出氣力擔勞侵瀆彼中先古邪惟其悠悠辭
說由來傳播近日交象尤有所不足聽聞者心嘗以
爲我外遠故宅有此駭異何不交相爲遜乎竊自慨

然于中者久是誠出於戚之之道也有何他焉日者
溪院儒林之通蓋亦有由也初皆以爲鄭氏私門之
爭固非士林所可干與而醴鄉之人旣如是主張一
邊先發文論彼數百年承傳宗統必有可據今不須
質言其是非惟其繼養一款明有王府之文已是吾
輩之所共宿知者不可不一言辨破使道內人較然
知之泰春亦從倚與聞不能立異其論今以此爲罪
則泰春當受而不辭至於製通之事顧此老朽安敢
自當而構成之也且其文字倘有一語泰及於我外
先祖又安敢晏然參涉於其間耶高坪之人從何的

聽拈出不署名帖之老物加以詬罵無少饒原足誠自我致忤復誰尤哉徒自默默懺訟而已書中下詢數轉語乃是多士之所共論定而專責何問於秦春有若人人之所共是者而秦春獨創出無稽之言議到不敢議之地者然秦春於此尤不勝訝惑于心誠知執事之所諭也秦春豈敢侵瀆我王考外邊先祖邪握管措辭心腦抑塞不知所以爲喻也便人立促言不達意伏惟有以推恕之耳

答朴孝有

孫慶

跽伏窮山無與晤語前冬一書何自而至滿紙傾倒

宛然顏面之相接披玩誦服逾久而逾不能自己也
信使希濶不克以時奉報遲頓稽慢固爲可罪春序
已中仰惟靜居湛樂日以神迪玩書窮格益覺有味
瞻慰瞻慰泰春冉冉之間過了六七甲子衰死日薄
人事荒亡回念往日落草由徑之事時復咄咄自哂
而已今書首吮毫擯眉之語益令人愧死不已而繼
之以悲也向來閒中遣懷之作脫不得夙生葷血間
有心會處而不敢自信思欲一就正於文公脚下而
不可得致之天休非所以耀明聊以求其斤削矣不
自意經八於大眼勘破不惟不賜之介外乃反詔之

以作詩準的而一抑一揚之間隱然有見與之意僕
於是度或自信而亦不能無愧於心也書中向下數
轉語雖詞意浩渺奇變百出於鄙意終有所不能無
惑者邂逅閒漫之說何足動吾心者而費力爭辨若
是譊譊惟是自處於繩約之外者往往有此無足恠
也左右平日自處爲何如哉早絕外慕杜門求志是
其尋常辭氣之見於文墨者宜皆粹然一出於正足
以爲朋友楷範而今其脫口肆筆之語帶得多小機
關存若戰國談士之口氣文則誠奇矣富矣其不幾
於駁雜而無實乎駁雜無實彼張籍之所羞道而子

豈爲是哉雖然左右之所用意出言既如是宏且勤
矣僕安敢一諉之無實而終無一言以復之哉僕自
少性好山水中年以來貪病苟活不能宏其志于四
方以壯其遊志氣頹懶又不能治心讀書以立其本
徒悠悠泛泛虛度人世而歲月飄忽衰白遽如許矣
悲歎窮廬百念都休獨宿素幽棲之志則未嘗亡也
嘗竊自念及此筋力之未全衰安得占取好山水與
一二同志縛屋數椽談書養性以送老滅影於其間
乎聞人說某山可居則輒蹶然起想談論不置不顧
傍人之竊笑往興州一親和來言小白石崙之上有

所謂溫達城者蒼崖四立大壑中盤紆迴周遭窈窕
衍夷可以耕田等室面溪阻復絕有非車塵馬跡之
所能到僕聽之欣然將欲一往觀焉恨其從我之無
其又適會權兄至相與話及此山仍期以暮春者共
登周覽或恐被人嗤點戒以不須舉似他人豈意流
傳之訛致忤雅度遂使激惱過當之言發於隨事省
察之餘僕自此誠不免不慎樞機自誤誤人之罪然
亦可以窺見左右所存之淺深也夫責人以無實之
事而求過於無過之地者是豈公平廣大泊然無累
者之所可為哉誠使僕真有得於山水之樂而考槃

獨寐永矢不告知碩人之爲者則左右其將何以責
之哉亦可以爲患得患失遮掩隄防以塗人之耳目
乎從古高人逸士之逍遙遠舉者何嘗以物外邱山
之趣自詫於人人而惟恐其不知也雖然僕之爲是
說者非敢自以爲真有超然獨得之趣也特就左右
工訶無實之教而明其不然耳來諭又云世外深味
之域不可孤居又縷縷斥之以詭異危苦左右曾不
見晦翁先生雲谷記乎是谷也處於廬山之最殊絕
巔垂厓疊石四面周匝叢木樛葛眩顛扳援而先生
猶且寤寐雲莊不憚來往大賢仁知之樂雖不敢妄

自此擬而抑可見優閑樂土之不必在於平原易地也豈可以孤寄絕峽而一言句斷曰是詭異而危苦也哉所諭晚計太濶之戒是誠切中僕之病然僕之計濶非獨晚景為然平生事為皆從此套中拋了今此之遊又安保其必濟也汲恐徒取譏於左右而且使卞莊子之徒竊笑於旁也雖然此亦無實之空言姑且倚置不論預就實地上默默加意以為反求之端而區區亦不能不以此有望於左右也荷相與之厚忘其狂率敢布瞽說不審高明以為如何

答黃國亮

向於石寺得奉款晤少遂宿昔之願而多人全集光
景膠襪無以穩討名理歸伏湫廬祇切悵寔之懷迺
者損惠長牋副以清詩情義周渥溢於詞外足以見
其不避賤陋之厚而辭意謙謙殆無異於後進之於
先達者是豈所望於相與之間哉三復悚感殆不能
放下也秋序已中仰惟對越方冊體韵清勝僕衰病
之軀少失節攝輒有呻苦加以神識耗盡不能致索
於簡編工夫惟是閒漫詞詠之述亦不免爲滾冗之
所撓奪只得杜門縮頭作一粥飯之僧而徒有暮年
却顧之憂而已今來盛詩寄意遣詞往往有踈適濯

嚙之致僕於此烏可以詞拙退沮而不爲之效其蟬
乎遂乃依韵奉和又別拈一律疊有浼焉非惟有望
於俯和亦所以求其斤削也抑有所隱揣於中而不
敢有隱於高明者蓋天下之事有在天者有在人者
有在我者在天在人者吾無與於其間而在在我者惟
在乎自己用力之如何耳執事以英銳之才刻意鍊
業垂手功名妙年蓮桂取次如拾是則執事於在我
之事固可謂自力做到惟意所欲而乃今名位潦倒
宦迹層蹬飢寒困窮有不忍堪者是豈執事乏才能
於前而不能於後耶天固不我與人亦不我用而吾

之力不能有與於其間也。今者執事乃能自分永棄
屏跡靜俟而潛心於墳典肆力於文墨以清適自娛
亦可謂事其在我之事者其所成就又安知其有遜
於初年攻取之業耶。由是而又能虛心遜志理會劄
住其於本領上何患不做凡世間所謂一切浮名之
自外至者了不介累於吾之方寸。到此快活豈止於
功業文章而已哉。如僕半世伎倆無所做就劫餘畸
命萬念都休嘗竊有意占取優閒境界與好古博雅
之君子談論緒餘吟哢逍遙以送殘年而不可得以
是每於執事及黃上舍下風有所引領願言而未嘗

一日忘于懷也今因辱惠之及略布狂言以爲異日
開口之資不審高明其肯不以爲老妄而斥外之邪
黃上舍近或相聚否有何所事安否亦何如紹修長
隔歲阻晤老抱難聊其三哥亦平安未一別英眊耿
耿在目州里後生也惟此君非草草者執事以先進
居近相從其講磨資益之責不得不有歸焉文雖老
言其或恕而采之否不宣

上李判書

益班

秋序已中伏惟老爺相公台候起居萬福間者奏春
以避鄉賤蹤幸獲從容賓客之後乃蒙相公不自貴

重曲施腴眷俯講百世之敦誼其諄諄之誨拳拳之
情殆無異於周親懿密之間自顧無取何以得此又
蒙不鄙俯示庭誡文篇捧玩三復無非法語嘉訓求
之當世王公大人之家豈可多得哉是不但爲相公
家庭貽厥之謨而已抑亦足以爲訓於天下後世之
貴遊子弟矣竊自幸山野寡陋得近清光以仰窺大
君子道德之餘霏敬佩歸來舉以自詫於里閭交遊
之中而誦服不已也於是焉隱然有虛往實歸之喜
遂以狂瞽之說陳於下執事僭易猥越伏惟有以恕
之引領台座未有瞻拜之期向風馳義日以勤至

與柳叔文

道源

叔遠

長源

中夏少哥上舍迂途見訪積違之餘宛對典刑傾倒
底蘊且審彼時安候殊慰紆鬱而冗遽闕候迨自歎
訟秋氣向闌仰惟僉履順時珍重咸君雅度亦以勝
迫區區慰溯泰春年來百疾交侵精神耗落眠食俱
無日就枯槁蒲柳之質望秋先零况秋已深乎明年
復八十餘日能復幾時逝將朝暮就盡而眼中舊要
廓然一空大山南野同時逝去吾道之極胡至此極
痛悼之懷久而采切想惟僉兄於蘇湖居近款從情
兼師友安做之慟其何以自制也泰春與此老未嘗

有源源之晤而一心景慕到老逾摯頃於基川邂逅
攀袂雖未能穩叙絃結亦足以粗慰宿昔願言之懷
觀其盛粹之華達於面貌精力尚亦冲裕意謂無疆
必壽以惠後學豈料奄忽至斯耶痛矣痛矣閒中有
何所業想兄弟對怡湛和講討之樂不啻朋友磋切
之益瞻逞滔滔不勝欽賞顧此朽瘠涼踣索居出門
無適托懷破愁惟是編簡而神識昏瞶看下輒忘無
異和睡江山之過先輩所言殊非讀書時節者正謂
此也自恨年富精專之時不能篤意致力以收鞭辟
之功而一向胡走虛度光陰駸駸抵蕩死之境拊几

浩歎徒增愧懊而已東邊人事積有逋負經營久矣
賴天之惠庶或無疾一番強作蚤晚必遂是有會晤
之便而癘癘之人亦何能固心邪棣軒風物寤寐不
想擎畢增懷惟幾以時珍衛不宣

與李善則述祖

夤緣事端幸會際晤但彼此方寸俱未免有些枝梧
不能傾倒底蘊遽爾分張歸來悵惘一倍難聊秋序
向闌不審歡侍彩履連獲勝相令兒二妙皆無恙勤
學否瞻邇切切耆老扶曳行役筋力精神俱損無餘
寧事延就又從而作惱心境可想從孫去時合有書

問而老懶未果想或俯想耳吾之始事未竟而徑歸者蓋由於作客已久衰病欲發秋事轉深營藥時急故也然既發之後則事之究決不係於老物留否姪女哀乞之言亦足以感動彼聽意以爲始雖落落終無可諉之說必能矜念而聽許之矣竟使病女添疾抱冤而歸是豈仁人君子之所忍爲乎仄聞通叔惻憫情事將欲許之而沮撻間作忽地撕乖云何其然哉誠爲慨惋噫無子之人求於有子之家古今經行之事興亡繼絕明是王政之所先雖支分派別系屬踈遠本是一祖之孫大義所存寧可以踈戚論之子

此所以有同宗百世誼之說也故求嗣者不許踈戚
惟意所適而求之與之者亦不能以踈遠數小爲諉
而苟非其長則隨意許與是固人人之所共爲者非
吾之獨創無前之事以侵及於不當之人也況今有
子五人而終斬一子欲使無嗣之宗族竟作無托之
孤魂天若有知和天其瘦矣寧不愴然痛心哉竊觀
通叔天品淳實不無一端仁厚之心而之其所慈愛
而辟焉故雖有欲許之心不能自主張苟有從傍善
譬者不難回心矣向者左右亦以爲堂叔不可獨決
二子八來事可消詳矣今則團會有日庶有諧成之

道邪天倫之說一發之後更難他求逝將矢死圖之期於必成不稍張皇恐或至於難掉之境到此地頭其無後悔耶須從容曉告以圖善後千萬千萬吾之娓娓於左右者以外面觀之則可謂越津而令叔碩閉難可書諭且念左右於茲事儘有旋乾轉坤之勢倘能誠心諄諄萬無不回之理不惟老物淺料獨然遂近親知公論亦皆如此公論其可誣乎頃見左右相對之言每以爲吾於堂叔之事何敢索言乎前後所言終未免有一膜子橫肚左右所執實未可知也老懷悲切語涉煩猥其或不以爲咎耶然苟非左右

吾何庸說盡如是更惟有以推恕而周章之無負血
望至祝至祝不宣

與朴天休

隣居李生從彼中歸報道尊安否伊後日多不審靜
履如何大有胤初亦依相未嚮往不已表春雖無大
羞之嗟而淒斷契活去愈難聊寔事悲惱殊非耆老
者所可堪奈何隣家往來事錯料輕始徒貽無限鬧
攘於諸君而一向硬塞老懷錯莫不可形言耳鎮若
琴韻被尊書囑叩滯步之而終是躡韻無足觀須加
斤砭俾免洗惡之譏如何且老筆陋拙不堪掛多人

春木先生文集卷之二
三十一
眼望使大有少哥淨寫投傳亦問老之一事也近與
邊兄多日相從殊破愁苦歸去餘懷又悄悄權丹彥
答書送來而書意不無可望可感大有許無別福所
懷一般故也謂及是望

答成立汝老極書

以老物有子婦之喪乃於親知慎避之際能抖擻沉
綿神精手書致唁辭意懇綷說盡老物心內事苟非
情至眷愛之篤何能若是之切切哉一感一涕莫知
所以爲謝也顧此罪戾之物喫盡無限粍難宛轉到
此些有世味者專藉是婦之曲致忠養而十許年來

稍有人理之況庶幾保此光景歸復于土也豈意无
妄禍厄失此爲命雖使年富强有氣者當之有難自
制況此奄奄垂死之九耄老乎歲轉月中而愴怛心
境逾往逾甚奈何奈何時在洞社諸眷依保而煢煢
孫女獨處家中病餘饋補無人爲之其他關心凡百
無非酸楚良苦良苦連聞所慎一向沉苦何乃爾也
不能對面診問坐費心肚之慮何恨如之惟天時向
煦庶可自爾就平惟望按伏隱火平心將護以竣清
涼境界如何尊之一身關係豈不重歟萬加自愛以
副區區之望艱草不宣

春村先生文集卷之二

